

摘藻堂四庫全書薈要

集部

欽定四庫全書蒼要卷一萬四千八十八

集部

甫里集卷十三

唐 陸龜蒙 撰

雜體詩

水國

水國不堪旱斯民生甚微直至葭茨少敢言魚蟹肥我
到荒村無食啗對案又非謝梁覽况是乾苗結子疎歸
時祇得藜藿糲

井上桐

美人傷別離
汲井常待曉
愁因轆轤轉
驚起雙棲鳥
獨立傍銀牀
碧梧風嫋嫋

門前路

門前向城路
一直復一曲
曲去日中還
直行日暮宿
何必日中還
曲塗荆棘間

彼農

四言二首

世路巖險溥
風蕩除彼農
家流猶存厥
初稿焉而席
茨

馬而居首亂如葆形枯若腊大耋既鮐童子未齧音以
負以載悉薶悉鉏我慕聖道我耽古書小倦于學時遊
汝廬有飯一盛莫鹽莫蔬有繻一緹不襟不袪所謂飢
寒汝何道歟

禹貢厥田上下各異善人為邦民受其賜去年西成野
有遺穗今夏南畝旱氣赤地遭其豐凶槩歛無二退輸
弗供進訴弗視號于昊天以血為淚孟子有言王無罪
歲詩之窮辭以嫉悍吏

曉起即事因成迴文寄襲美

平波落月吟閒景暗幌浮烟思起人清露曉垂花謝半
遠風微動蕙抽新城荒上處樵童小石蘚分來宿鷺馴
晴寺野尋同去好古碑苔字細書勻

迴文

靜煙臨碧樹殘雪背晴樓冷天侵極戍寒月對行舟

奉酬苦雨見寄

松篁交加午陰黑別是江南煙靄國頑雲猛雨更相欺

聲似號號色如墨茅茨哀爛簷生衣夜夜化為螢火飛

螢飛漸多屋漸薄一注愁霖當面落愁霖愁霖爾何錯

減頂于余奚所作既不能賦似陳思王又不能詩似謝

康樂

曹有愁霖賦
謝有愁霖詩

昔年嘗過杜子美亦得高歌破印紙

慣曾掀攪大筆多為我才情也如此高揖愁霖詞未已

披文忽自皮夫子哀絃怨柱合為吟惋我窮棲蓬藿裏

初悲濕翼何由起未欲賤天叩天耳其如玉女正投壺

笑電霏霏作天喜我本曾無一稜

去

田平生嘯傲空漁

船有時赤脚弄明月踏破五湖光底天去歲王師東下
急輸兵粟盡民相泣伊余不戰不耕人敢怨烝黎無糝
粒不然受性圓如規千姿萬態分毫釐唾壺虎子盡能
執紙痔折枝無所辭有頭強方心強直撐柱顏風不量
力自愛垂名野史中寧論抱困荒城側唯君浩歎非庸
人分衣輟飲來相親橫眠木榻忘華薦對食露葵輕八
珍歆窮玄鳳未白欲懷仙鯨尚隔不如驅入醉鄉中只
恐醉鄉田地窄

夏日閒居作四聲詩寄龔美

平聲

荒池菰蒲深間堦莓苔平江邊松篁多人家簾櫳清為
書凌遺編調絃夸新聲求懽雖殊途探幽聊怡情

平上聲

朝煙涵樓臺晚雨染島嶼漁童驚狂歌艇子喜野語山
容堪停杯柳影好隱暑年華如飛鴻斗酒幸且舉

平去聲

新開窓猶偏自種蕙未遍書籤風搖聞釣榭霧破見耕
耘閒之資嘯詠性最便希夷全天真詎要問貴賤

平八聲

端居愁無涯一夕髮欲白因為鸞章吟忽憶鶴骨客手
披丹臺文脚着赤玉舄如蒙清音訓若渴吸月液

訓苦雨四聲重寄三十二句

平聲

幽棲眠疎窓豪居憑高樓浮漚驚跳丸寒聲思重來淋

前垂文竿巢邊登輕舟雖無東臯田還生魚乎憂

平上聲

層雲愁天低久雨倚檻冷絲禽藏荷香錦鯉遶島影心
將時人乖道與隱者靜桐陰無深泉所以逞短綆

平去聲

烏蟾俱沈光晝夜恨暗度何當乘雲螭面見上帝愬臣
言陰靈欺詔用利劍付迴車誅群姦自散萬籟怒

平入聲

危簷仍空階十日滴不歇青莎看成狂白菊即欲沒吳王荒金樽越妾挾玉瑟當時雖愁霖亦若惜落月

疊韻雙聲二首

疊韻山中吟

瓊英輕明生石脉滴瀝碧玄鉛仙偏憐白幘客亦惜
雙聲溪上思

溪空唯容雲木密不隕雨迎漁隱映間安問謳鴉舫

疊韻吳宮詞二首

膚愉吳都姝眷戀便殿宴逡巡新春人轉面見戰箭
紅攏通東風翠珥醉易墜平明兵盈城棄置遂至地

惜花

人壽期滿百花開唯一春其間風雨至旦夕旋為塵若
使花解愁愁于看花人

和胥口即事

六言二首

雨後山容若動天寒樹色如消目送迴汀隱隱心隨挂
鹿搖搖白蔣知秋露裛青楓欲暮烟饒莫問吳趨行樂

酒旗竿倚河橋

把釣絲隨浪遠
采蓮衣染香濃
綠倒紅飄欲盡
風斜雨
細相逢
斷岸沈漁
釣畧約畧二音
鄰村送客
隴舸即是
清霜刮野
乘閒莫厭來重

聯句詩

寒夜聯句

靜境揖神凝
寒華射林缺

適蒙

清知思緒斷
真覺心源澈

日高唱憂金奏
朗詠鑑玉節

適蒙

我思方沈寥
君詞復淒淒

切

休日

况聞風篴上擺落殘凍雪

龜蒙

寂爾萬籟清皎然諸

靄滅

休日

西窓客無夢南浦波應結

龜蒙

河光正如劒月魄

方似玦

休日

短燼不禁挑冷毫看欲折

龜蒙

何夕重相期濁

醪還為設

休日

開元寺樓看雨聯句

海上風雨來掀轟雜飛電登樓一凭檻滿眼蛟龍戰

龜蒙

須臾造化慘倏忽堪與變萬戶響戈鋌千家披組練

休日

羣飛拋輪石雜下攻城箭點急似摧胸行斜如中面

龜蒙

細灑魂空冷橫飄目能眩垂簷珂珮喧掬瓦珠璣濺

休日

無言九陔遠瞬息馳應遍密處正垂絙微時又懸綫

蒙龜

寫作玉界破吹為羽林旋翻傷列缺勞却怕豐隆倦

休日

遙瞻山露色漸覺雲成片遠樹欲鳴蟬深簷尚藏燕

蒙龜

殘雷隱鱗盡反照依微見天光潔似磨湖彩熟于練

休日

疎帆逗前渚晚磬分涼殿接思強揮毫窺詞幾焚硯

蒙龜

估栗烏皮几輕明白羽扇畢景好疎吟餘涼可清宴

休日

君携下高登僧引還深院駁蘚淨鋪筵低松濕垂鬚

蒙龜

齊明乍虛豁林霽逾蔥蒨早晚重登臨欲去多離戀

日休

北禪院避暑聯句

院昔為戴顓宅後
司勳陸郎中居之

歌蒸何處避來入戴顓宅逍遙脫單絛放曠拋輕策爬

搔林下風偃仰澗中石

日休

殘蟬烟外響野鶴沙中跡到

此失煩襟蕭然揖禪伯藤懸疊霜蛻桂倚支雲錫

龜清
蒙

陰豎毛髮爽氣舒筋脉逐幽隨竹書選勝鋪毡席魚跳

上紫芡蝶化緣青壁

日休

心是玉蓮徒耳為金磬敵吾宗

昔高尚志在羲皇易豈獨斷韋編幾將刊鐵槧

龜
蒙

天書

既屢降野抱難自適一入承明廬盱衡論今昔流光不

容寸斯道甘枉尺

日休

既起謝儒玄亦翻商羽翼封章帷

幄遍夢寐江湖白擺落函谷塵高歌華陽幘

龜蒙

詔去雲

無信歸來鶴相識半病奪牛公全慵捕魚客少微光一

點落此芒礫索

日休

釋子問池塘門人廢幽蹟堪悲東序

寶忽變西方籍不見步兵詩空懷康樂屐

龜蒙

高名不可

效勝境徒堪惜墨沼轉疎蕪玄齋踰閒寂遲遲不能去

涼颼滿杉柏

日休

日下洲島清煙生芡菊碧俱懷出塵想

共有吟詩癖終與淨名遊還來雪山覓

適蒙

寂上人院聯句

癭牀空默坐清景不知斜暗數菩提子閒看辟荔花

日休

有情唯墨客無語是禪家背日聊依桂嘗泉欲試茶

龜蒙

石形蹲玉虎池影閃金蛇經笥安巖匣鉗囊挂樹槎

日休

書傳滄海外龕寄白雲涯竹色寒凌箔燈光靜隔紗

龜蒙

趁幽翻小品逐勝講南華莎彩融黃露蓮衣染素霞

日休

水堪傷聚沫風合落天葩若許傳心印何辭古堞賒

龜蒙

開元寺避暑懷魯望因飛筆聯句

煩暑雖難避僧家自有期
泉甘于馬乳苔滑似龍漿

日休

任誕襟全散臨幽榻旋移松行將雅拜簞陳欲交麾

龜蒙

望塔青髯識登樓白鶴知
石經森欲動珠像儼將怡

簾臨杉穗紗巾透雨絲靜譚蟬噪少涼步鶴隨遲

日休煙

重迴蕉扇風輕拂桂帷對碑吳地說開卷梵天詞積水

魚梁壞殘花病枕歌懷君
瀟灑處孤夢繞梁愚

龜蒙

藥名聯句

為待防風餅須添意茲杯

張賁

香燃柏子後罇泛菊花來

日休石耳泉能洗垣衣雨為裁

蒙龜

從容犀局靜斷續玉琴

哀

賁

白芷寒猶抹青箱醉尚開

日休

馬銜衰草臥烏啄蠹

根迴

蒙龜

雨過蘭芳好霜多桂未摧

賁

朱兒應作粉雲母

詎成灰

日休

藝可屠龍膽家曾近燕胎

蒙龜

墻高牽薜荔障

軟撼玫瑰

賁

鷗鼠啼書戶蝸牛上硯臺

日休

誰能將藁本

封與玉泉才

蒙龜

寒夜文宴聯句

文星今夜聚應在斗牛間

日休

載石人方至乘槎客未還

賁送觴繁露曲微句白雲顏

適蒙

節奏惟聽竹從容只話

山理窮傾秘藏論猛折玄關

賁

卽酒分中綠巴牋擘

日休

處殷

適蒙

清言聞後醒強韻壓來艱

日休

犀柄當風揖瓊枝

向月攀

賁

松吟方際際泉夢憶潺潺

適蒙

一會文章艸昭

明不可刪

日休

報恩寺南池聯句

時稔

秀才

高起

同作

古岸涵碧落

適蒙

虛軒明素波坐來魚陣變

日休

吟久菊

闕

多秋草分杉露

起高

危橋下竹坡遠峯青髻並

龜閣

髯和趙論寒仍講

休日

支硎僻亦過齋心曾養鶴

起高

揮翰

好邀鵝

南峯院即故相國裴公書額

倚石收奇藥

龜

臨溪藉淺莎桂

花晴似拭

休日

荷鏡曉如磨翠出牛頭聳

起高

苔深馬跡跛

石上有支公馬跡

傘歌從野醉

龜

巾側任田歌跣跣松形矮

休日

般跚檜樾炷香飛僧印火

起高

泉急使鑣珂菱鈿真堪帖

龜蓴絲亦好拖幾時無一事

休日

相伴着煙蘿

起高

夜會問答十首

寒夜清

日休問
魯望

簾外迢迢星斗明況有簫間洞中客吟

為紫鳳呼凰聲

時華陽廣文
先生在焉

瘦木杯

適蒙問
襲美

杉贅楠瘤剝得來莫怪家人畔邊笑渠

心祇愛黃金壘

落霞琴

日休問
潤卿

寥寥山水揚清音玉皇仙馭碧雲遠空

使松風終日吟

蓮花燭

賁問
襲美

亭亭嫩蘂生紅玉不知含淚怨何人欲問

無由得心曲

金火障

日休問
魯望

紅獸飛來射羅幌夜來斜展掩深爐半

睡芙蓉香蕩漾

憶山月

龜蒙問
潤卿

前溪後溪清復絕看看又及桂花時空

寄子規啼處血

錦鯨薦

賁問
襲美

碧香紅膩承君宴幾度閒眠却覺來彩鱗

飛出雲濤面

懷溪雲

日休問
魯望

漠漠閒籠鷗鷺群有時日暮碧將合還

被漁舟來觸分

霜中笛

龜蒙問
襲美

落梅一曲瑤華滴不知青女是何人三

奏未終頭已白

月下橋

日休問
魯望

風外拂殘衰柳條倚欄杆處獨自青

翰何人吹玉簫

甫里集卷十三

欽定四庫全書會要卷一萬四千八十九

集部

甫里集卷十四

唐 陸龜蒙 撰

賦

春寒

宋玉雲夢侍從賦成酒闌君王慘愴顧曰春寒玉少進
曰大王之國三分水居其一大王之宮後庭女子充溢
洪波浮其空幽怨積其中不得不雨不得不風風橫雨

斜天地溟濛寒之中人有異于嚴冬其來也低迷其壯
也惆悵理難辨而詞作色雖莊而意蕩明滅薰鑪留連
繡帳相逢置酒則少避醅顏獨自登樓則偏凌遠望臨
窓戶逸池塘絲輕畏逼花怯愁當遊蜂為之絕跡好鳥
為之深藏齊紈失色越絮騰光掩抑兮幽襟更遠連牽
兮別緒彌長芳神失職陰御爭強朝耕犢戰暮箔蠶僵
民病如此君何勿傷襄王於是下席稱謝撤燕戲省嬪
嬙以黃金為玉壽然後返駕乎高唐

後虱 并序

余讀玉溪生虱賦有就顏避跖之歎似未知虱賦以
矯之

衣緇守白髮華守黑不為物遷是有常德小人趨時必
變顏色棄瘠逐腴乃虱之賊

杞菊 并序

天隨子宅荒少墻屋多隙地着圖書所前後皆樹以
杞菊春苗恣肥日得以採擷之以供左右盃案及夏

五月枝葉老硬氣味苦澀旦暮猶責兒童拾掇不已
人或歎曰千乘之邑非無好事者家日欲擊鮮為具
以飽君者多矣君獨閉關不出率空腸貯古聖賢道
德言語何自苦如此生笑曰我幾年來忍飢誦經豈
不知屠沽兒有酒食耶退而作杞菊賦以自廣云

惟杞惟菊包寒互綠或穎或莒煙披雨沐我衣敗締我
飯脫粟羞慙齒牙苟且梁肉蔓延駢羅其生實多爾杞
未棘爾菊未莎其如予何其如予何

苔 并序

江文通嘗著青苔賦置苔之狀則有之懲勸之道雅
未聞也如此則化下風上之旨廢因復為之以嗣其
聲云

天地閉風雨積門徑秋莓苔植離方抱圓累紫疊碧始
分封於危亭之下終略地於荒畦之側侵竹塢而縱步
占蘭疇而盈尺麗色何似嘉名孰為高有瓦松卑有澤
葵散石竇者石髮補空田者垣衣在屋曰昔邪在藥曰

陟釐

音黎

質被綠錢之美香聞艾納之奇或薄

徒舍切

或葩

軫

或鮮或落

文苔反

諒含姿而是類斯感物以隨時則有

衛霍天姻金張世族侯以恩澤拜館以形勝築壁僭塗

椒階緣城玉林丹微之象盡帳蒼梧之翠禿謂爵祿不

必仁守英髦可以力服行叶四凶身圖五福一日盈滿

中年顛覆斯苔也染婕妤之簪迨晚偏青封廷尉之門

經秋更綠彼失寵以亡家者鮮不慟哭則有林塘疎薄

衡泌蕭條茅茨上古机格

已各反

南朝畫偃則書淫畫聖

晡歸則婦餉兒樵溝通壤澁路隅危橋雨霽而魚驚沫
聚霜乾則鶴刷翎飄浪求名而蠅屈虛卜命而龜焦窓
歌癭枕樹挂風瓢山無價買隱有詞招斯苔也周內史
宿酒壺邊烟皺思起屈大夫擣衣砧上黛點情饒彼遺
形而放志者能無獨誼誼曰苔之生兮自若人有哀兮
有樂哀者貴兮樂者賤貴者危兮賤者宴噫哀樂兮何
時止貴賤循環兮而後已

蠶并序

荀卿子有蠶賦揚泉亦為之皆言蠶有功於世不斥其禍於民也余激而賦之極言其不可能無意乎詩人碩鼠之刺於是乎在

古民之衣或羽或皮無得無喪其游熙熙效云麻績纊官初喜窺十奪四五民心乃離逮蠶之生繭厚絲美机杼經緯龍鸞葩卉官涎益嚙盡取後已嗚呼既拳而烹蠶實病此伐桑滅蠶民不凍死

自憐

并序

余抱病三年於衡泌之下醫甚庸而氣益盛藥非良而價倍高每一把臂一下杵未嘗不解衣輟食而後致也其為窮且否亦已至矣聖人云五福六極之數曰壽曰富曰康寧曰貧曰疾曰憂既貧且疾能無憂乎憂既盈矣能無傷乎人既傷矣能不奪壽乎是不蒙五福偏被六極者也誰其憐之作自憐賦

噫天地兮何德以生予付邈古之道兮惠而行諸聖人耕吾亦耕聖人漁吾亦漁聖人窮或過於是聖人達曾

不依於既不獲築說莘伊委身而理天下又不及箕巢
賴許散髮而類鶉居率幽憂之情抱將退伏於林廬謂
之積兮繁其疏搜羅以虛謂之朽兮輔其儲涵潢乃瀦
旁無垠兮上無初退不足兮進有餘先寒束縮後燠敷
舒首蓬鬆以半散支棘瘠而枯疎中躁兮燐炮之蟹外
撓兮冠帶之狙凌兢兮上坂之馬帖捻兮橫沙之魚行
則左人而右杖卧則夕擁而晨祛冒忌者即席奮擊責
功者越月紆徐痿寧忘起憤亦懷攄天難致問道竟何

如孟子之言得矣盡信不如無書雖武成取其二三策而已又焉知是歟非歟臯繇瘠師曠瞽子則視瞻而言語却子跛行父禿子則趨蹌而櫛沐幸固陋而或全豈乖離乎素躅敢諫鼓不陳進善旌不理布衣之說無由自通乎天子丞相府不開平津閣不立布衣之說無由自通乎宰執苟吾君吾相不聞天下之名言則蒼生何由施械而去繫傳云垂之空言不若存之於事業易曰未繙井羸其絘凶歟水德之莫及哀吾材之不試徒抱

影以中泣一蠋在木兮柯瘍葉痿寒暑三病兮吾寧禦
哀服猛鷺兮捕龍螭吾無力支大舜禹兮張孔姬吾其
庶幾託斯文之赴愬冀君子之攸宜苟家聲戶塞之弗
寤老死空山兮已而

田舍

江上有田田中有廬屋以荻蔣扉以蘆篠笆離健微方
竇虛踈簷卑歌而立偃樓戶偏側而行趨趨蝸旋頂隆
通拆旁塗夕吹入面朝陽曝膚左有牛棲右有雞居將

行瞪遮未起蹄驅宜從野逸反若囚拘天隨子愀然而
吁復自諫曰祿以代耕如無祿歟無祿無耕為工商歟
有沮溺之賢以仕易農乎有輪扁之道以仕易工乎有
弦高之義以仕易商乎今則不然能無說焉蓋仕不愧
祿而搆政咸率人以奉已使農工之泊商民棄其守而
趨仕農之仕墮於力而希歲工之仕巧於文而幸貴商
之仕射其肥而啗利所以國靡凶荒之儲家乏完堅之
器人闕有無之備莫不由是加以上多而下寡不勝剝

喪之苦轉徙盜聚而充熾焉嗚呼吾丁此時何以遭之
將提新書抱野史上干天子之有司如怒鼃之跳梁於
風雨自謂登乎龍籍不其遠而遠而有牛角角有田棊
棊不值歲惡未嘗孔飢今則陽亢而驕苗渴而萎十穗
百粒穫夫涕洟饘於是粥於是信夫鼎銘之我欺彼為
聖人儉者茅茨勞者胼胝顧余懦夫勤陋何疑有鰥在
下者舉舜之德毋惟汝諧者授禹之辭不舉不授雖聖
胡為乃繼而為詩道不可不若天不可不樂謹爾溝塍

利我錢鏐聊以卒歲更俟東作

求志

并序

孔子曰吾志在春秋予以求聖人之志莫尚乎春秋
得文通陸先生所纂之書伏而誦之作求志賦

語稱人之所好必舉嗜慾以為志余之生也百無一厚
者唯古學庶幾乎可媚嗚呼師道之不存安能盡識乎
疑義樂夫子之春秋病三家之若仇得郊趙疏鑿之與
損益然後知微旨之可求乃服膺而誦之見聖人之遠

猷長風廓其羣翳赫日臨乎大幽又似車堅馬良善御者涉乎康莊高騾巨舟工泛者順其安流如魚之就貫如繭之獲抽伊尹和齊於五鼎箕子區分乎九疇酌大中於萬古偉聖心之獨斷宜乎沮齊侯於夾谷斬正邠於兩觀溝公墓以掩廢逐隳私城而防僭亂用千載之遺法發一辭而可判況先生之指歸屹波濤而畔岸雖顛昧而不開亦思之而過半范武子曰君子之於春秋也沒身而已矣吾謂斯言之不誕

柳李花 乾符三年作

試問花翁得柳李之春叢移來砌下出自山中長霑澗
雨迴灑巖風曾不得次玉堂而展低艷承畫閣而逞微
紅虛在芳菲之數徒干造化之功弱植歎危繁梢裊積
一枝上能萬其膚萼一萼中自參其丹白且桃以夭而
舜以華巧藥為贈兮芙蓉可嘉誰為剪絳綺碎明霞鳳
葆璚瓏於水殿霓襟掩冉於雲車靜倚庭楹徐飄藥氣
落幽閨怨別之夢寫空谷遺榮之思初侍東陵聖母治

態嬌妍近辭北燭仙人愁容委隊土嗟其結莓苔之地抱
林麓之姿蝶善舞而相畧鶯能言而見欺香憐墜少帶
戀飄蓬當盃者不顧守道者應知請看嵇康高士傳莫
信長安輕薄兒

微涼 戊戌七月作

椒梧既謝

越椒
閩梧

屈原增傷菱先鴈敗柳徇蟬荒日落深

宮十四等皆為麗絕雲愁大澤九百里盡欲飛揚暑退

未退宵長未長傍寶階

一作
曲檻

以尋冷當綺疏而薦香飄

飄拂拂悄悄悵悵省團扇以搖清泥瑤琴而泛雅石穩
將卧筇輕欲把沈尹見王筠佳詠不覺書之謝傳感桓
伊哀箏無端涕下單栖悟早共賞情多應從遠壑定降明
河病樹一枝度日空懷越奏輕帆十幅乘秋好唱湘歌
殷浩休談楊弘自舞粉初漬而題媚塵適消而盡古正
在安榴館裏寂寞饒潘暫登酸棗臺時淒涼付庾潛生
翠被暗着金樓銖銖減癖斛斛量愁草玄者逐貧無暇
梯附者結客而游暮雨陵邊有魏主常聞之樂夕陽池

上有蔡姬曾蕩之舟恨鎖疎烟衿披遠水露桂方澹風
篁或倚鄂侯之餘冷猶在江令之宿醒初起道氣全衰
離情遍駛許玉斧神超碧落仰接應難成花君怨別青
宮追傷未已

中酒

書編百氏病載千名將有濱於九死諒無敵於餘醒窓
間落月枕上殘更意欲問而無問夢將成而不成心悄
悄目瞢瞢愛靜中而人且語愁曙後而雞已鳴才遭轡

輾適別恩情屈大夫之獨醒應難共語阮校尉之連醉

不可同行氣縷支綿神離色沮前歡已誓於拋擲往事

空經乎思慮有馘卓擒靈

與伶同

之伍我願先登有殛狄

放杜之君臣能執御聿

疑

當拔酒樹平麴封培仲槁碎

堯鐘先刊美祿次削真龍編虎鬚者寧教畔去持蟹螯

者不要相逢欲倚還眠將詞又默深窮寂寞之境別有

淒涼之域黃昏細雨迷途而不到長亭白晝繁華失意

而初歸故國背枕求穩牽幃就黑愁應平子分與渴足


相如傳得感物逾嗟懷人又惻謝月鏡共王清去去不
乏風流杜蘭香別張碩來來更無消息冠纓不御杯按
空陳徒殲燕燕之髀漫費猩猩之屑牛心表異熊掌稱
珍剪雲夢豈豈採泮宮芹周子之菰向晚庾郎之薤初
春加以歐川桂蠹頽谷榆人雖馳心於萬品且忘味於
茲辰莫話三年誰云五斗從齊奴車騎如水任阿甯風
姿似柳仙莫得而媒艷何能而有麟毫簾近遮雲母不
足驚心琥珀釧將還玉兒未能迴首或乃強迎賓友力

答賡書落魄不啻厭伊有餘檐榆猶嬾整解散固慵梳
卜士蔚專諷蝦蟇誠堪竊笑莊周子化為蝴蝶實是憑
虛客曰雖鯖鮓能珍微風可析豈比夫榴花竹葉之味
鄴水之清中山之碧必能醺骨醃顏潛消暗釋況前覆
乃後車之警獨行為衆人之僻不然吾將受教於聖賢
敢忘歡伯

甫里集卷十四

謹案卷十二第十頁前八行伴僧殮了聽雲和刊

本雲和訛云何據全唐詩改



總校官庶吉士臣張能照
校對官編修臣楊壽楠
謄錄監生臣熊煇

欽定四庫全書薈要

集部

甫里集卷十五至
七

詳校官助教臣常循



欽定四庫全書會要卷一萬四千九十

集部

甫里集卷十五

唐 陸龜蒙 撰

幽居 并序

陸子居全吳東距長洲故苑一里闔關不通人事且
欲吟詠情性曰燕居則仲尼有之矣曰卜居則屈原
有之矣曰閒居則潘岳有之矣郊居則沈約有之矣

既抱幽憂之疾復為低下之居乃作幽居賦其序云
余少學窮玄早持堅白其生也懸贅附疣其材也戴
癭銜瘤居無養拙之資出有倦游之嘆初張蓬矢嘗
逞志於四方末佩桃艾敢違仁於一日雖家風未泯
而世德全衰門等韋平材兼魏邴激清芬而鎮俗追
雅望於圖形苟勗乃天下表儀裴秀為朝端領袖朱
輪十乘紫誥千篇炳若星辰煥乎竹帛俯觀圖諫謬
辱孫謀五鼎蕭條賜書零落漆工酒保幾欲沉淪故

栗空桑屢瞻摧折劉起劉毅俱無儋石之儲許邁許
詢但有山林之志思鑿坏而遁聊倚樹而吟師道氣
於龜腸扣兵鈴於魚腹窮年學劍不遇白猿隔日伏
店未逢黃鸝止則葭牆艾席行則葛屨柴車仲宣方
翫於碁枰叔夜還眠於鍛竈既而草知晦朔木讓榮
枯因推墨別為三始悟儒分至八何晏之言道德不
及王生鄭玄之注春秋才同服氏初陳梗概漸入精微
探桓範之智囊掘張憑之理窟遺其耳目然復為之

聰明差若毫釐焉足言乎大小加以病惟闢蟻力止

戡蟬簾幃非翡翠之榮鐘鼓宜鷄鶩所樂退惟衡泌

此必切

聊以棲遲建一畝之宮忝稱儒者置十金之產雅

叶中人晏子以囂塵可容曹公以泥水自蔽羅含宋

玉常苦出於荆蠻蕭相武侯亦潛居於僻陋楊德祖

家惟弱柳殷仲文庭只枯槐馮衍薑辛繁欽蕙碧復

有稻名半夏藥號恒春長榆亦降星精修竹乃生雲

母潘岳館裏嘗聞柰素瓜甘庾信園中亦話棗酸梨

酢

且故切

竊觀留詠雅尚清風今古攸同聖賢何遠武

仲游於沛澤伊尹耕於有莘子欲無言回不願仕神

交六位方為賣卜之人歌動五噫始作賃舂之客况

布袍綸帽尚足朝昏羽扇貂裘猶堪寒暑得以書抽

虎僕射用牛螭自理茶租閒披釣褐經稱小品還下

二百籤賦謂名都略點八十處下問得黎塗之義徐

聽聞懇怒之詩既已逢原遂成檇翰非因授簡竊擬

遺鞭不能粉飾大猷且用玄黃裨說貽於好事希從

得意而傳責以壯夫甘受子雲之笑賦云

泰伯句吳通侯舊里地接虎丘門臨鶴市比顏巷兮非
陋方賜墻兮猶峙樂令有名教之樂必以仁行莊生乃
道家者流咸從達起彼既得矣余何謝焉欲神游於浩
氣法天隱於遺編魯仲孫衣止七升之布藥武子食無
一卒之田賤不容憂貧惟可賀冥心而姑務藏疾卷舌
而誰能擊惰爭先敢脫乎牛車自給方營於馬磨噫泰
時亡命競作帝師吁漢末遺臣皆稱王佐吾焉用此僕

病未能藝合歡求解患之力餌陟釐明攻冷之徵悲少
歌於趙壹喜長嘯於孫登萬古騷人遠追乎橘浦百金
戲事近出於松陵亦慕偷桃還憐嗜艾艾何悲尺蠖之
屈未損大夫之志投簪隱几聊思夷甫談玄搦札濡毫
聊效文通奏記夫靜者躁之君名者實之賓進不忝於
多士退宜追乎逸人頌厥土之三壤託高風之四隣纔
祛燥濕稍遠囂塵以日繫時且復窮於魯史穿池種樹
正欲類於齊民室之崇墻墉非縮板因坎窞以為洹謝

蒙籠而表限孟介無是非之心阮通能青白之眼龜林
鹿憤訝將隱兮何遲稼飯苦焦笑謀生之太簡是知名
安可釣筆不堪耕有白鳳之才乃先為贅客有雕龍之
辯然後為狂生雄自投而幾死爾流慟而將行外嬖方
施孟子虛陳乎仁義中讒既勝韓非徒恃其縱橫況復
支離壹鬱尪陋蹇吃才甚微而寡文體素羸而多疾陰
鏗藥鉞披曉幌以皆來徐邈酒鐺擁寒爐而必出自然
忘物我混窮通將大宗師理叶與握真宰情同優游塞

馬脫落冥鴻竊慕王晞眷戀於芳辰美景深符謝眺留
連於明月清風得不分碕岸而飾荒臺輟金錢而買佳
樹萼絲兮欲流千里草帶兮初圍十步顏垣抱碧無非
海髮山衣暗座飄香盡是松肪桂蠹加以籬邊種菊堂
後生萱覆林之新桐乍引臨窓之舊竹猶存花妨過帽
柳碍移門夢去而雲遮絕洞樵歸而水遠孤村過境逍
遙就魚鳥之性樂開襟散誕見羲皇之道尊卑濯言泉
屢遊庭苑憂中廢而將落懼無文而不遠豹管閒窺羊岐

忘返搜束暫之亡缺補陳農之遺遁梁世祖府充名畫

或得奇蹤任敬子家聚群書率多異本何嘗髣髴莫究

分毫徒羨玉杯珠柱

上書名下琴名

之號美象格犀簪之態高

寧容朴野不稱蓬蒿悵殘編之未構奚雅具之為勞况

乎栖平蕪古木之地壯被褐擁篇之事宜其梓合巾箱

藤交餅笥炊粃稗以為食剖瓠瓢而作器荷蓀而行據

梧而睡妖寧勝德休占賈誼承塵醉可全真但舞王戎

如意其間豁爾此外蕭然姜肱則惟眠一被江革則還

留夾邇望夫子之門墻仍過數仞顧先生之履襪不啻

雙穿敢驚時而獨行聊收視而返聽豈可浪廢玄關虛

搖譚柄夜將半而誰容月每旦而誰評去聲清言不屈孫

劉詎減於中軍善講無窮支許那輕於小令或抽易緒

或叩玄端演精微於簡易甘澹泊於危難澄如止水爰

音測若長竿與去聲牛心者赴敵持麈尾者登壇交衡而矛

戟初利頓挫而風霜正寒興公雅韻仲祖旁觀始信何

才當指地於丞相方知習健抗彌天之道安彼濩落而

無容且蕭條而高寄兼耳目以咸外曷丘園之足貴幸
春物之向榮列天姿而見遺陰者負而陽者勝孰謂兩
儀瘠者緩而腴者先奚云一氣真宰難問洪鈞肯留人
間未適象表何求縱使掬煙霞而傲睨騎日月以嬉遊
乘剛直上躡景冥搜縱橫兮四海飛揚兮十洲閱仙苑
之琅書安能解慍傾洛公之金醴幾得銷憂不假大招
寧馳別國悲故鄉之何在望平原之無極

陸鄉在平原
乃遠祖所封

地之歎鐘鼎之沈光向漁樵而騁力庾桑有道猶居喂壘

之類接輿佯狂亦取枕

音椿

櫨之食徐誇下舍陶愛吾廬

上法於陵之畦圃旁分建業之村墟時牽殫殍自把渠

疏友乏惠施莫解連環之義醫無文摯誰知方寸之虛

存其道而或通失其居而或旅才將命兮分坎窞性與

時兮甘齟齬閒遊廣澤願學弋於蒲且

弋或作戈

終蹈滄溟

更移家於苕興夫動以勞吾身靜以休吾神苟能推於

用捨自足究乎天人思任誕於窮檐何辭井臼不求容

於側徑何患荆榛湛

音沈

冥者朴素之源毀譽者浮華之

轍著名聚雪仍招死草之譏琴號落霞亦被枯桐之說
值聖則幽贊成功逢賢則雅音攸發同於德者大亦宜
然殷宗命相於畚下周武迎師於渭邊有東山北郭之
風纔能養素有左車右僕之計未足圖全嗟浩歎而哀
吟畏蘭彫而蕙歇清罇方灑於瑤水寶瑟坐凝於華月
歸田少接猶疑斥鷃追飛羽獵相逢可謂蕪菁唐突

採藥
并序

藥白芷也香草美人得此比之君子定情屬思聊為

賦云

日上融冷春歸飾荒覩一時之流恨撫萬古之遺香問
人則不屈不宋說地則非瀟非湘蹇其榮煙携而動色
擢其體雪挺而騰光諷畔牢愁子雲於焉華皓吟衰時
命曼倩由是摧藏清思矜年慵情畏晚胡絕繫容以難
駐揭車載春而不返陋君折楊柳須為送行陋君採笑
蓉仍勞贈遠豈如陰晴互出稚豔相迎隈回鳳喜怨盼
鴻驚侍笑者青琴作號顧喟者碧玉為名偷嬾積競禁

盈目斜河而水怯鬢疊葉而雲爭蘭在口以時聞嬌如

連瑣蕙牽心而不定飄若懸旌契叩難申融怡自許石

能潛遁以求偶山亦浮來而命侶誓不為岩阿竹冉冉

孤生誓不為澗底松亭亭獨處於是欺皓本掩緇粧房

紅者自破帶縹者誰披望懷沙之浦詠遺襟之詞煙分

而麝墨猶濕綺斷而龍刀合知只言長信長門年年可

恨未必傾城傾國箇箇生悲臨堦躑躅以虛徐當戶薔

薇兮綽約

一作
約弱

蜂咋葉而先盡鶯蹊枝而易落未若北

堂公子樹芳草忘憂南國佳人佩生香辟惡露茁煙冶

風條翠詭不知海傍之期遠不信人間之命薄休為上

計掾空尋寶釵聊作侍中郎且乘金絡別有廬江小吏

蜀郡長卿或支離而築恨或調笑以囊情不同乎稟簪

裾而霧悄秉禮義以霜明鄭交甫則江邊珮解萼綠華

則席上詩成彼怡神而致問皆護節而含貞疎懼趨前

一作疎
擢自持

雖陳辭而往懇遷延却立終結抱而難平淚滴

堪穿腸迴好繫垂絲織怨以成段象酒蠲愁而判劑江

僕射之孤燈向壁不少淒迷張記室之少婦當壚還應
細麗景方駘蕩思已低摧酒疲於子建為使花困於靈
均作媒何庶物之相負痛妍華而未迴莫與心傷瑤圃
從驚鵜鴂弟桂二音如防膽怯空屏宜畫魁堆獸名剩欲追尋
徒嗟緬邈杯形連理而終在扇樣合歡而可學若遇劉
公伯雅夢亦沈沈如達一有西字王母少兒書還數數

書帶草

彼碧者草云書帶名先儒既沒後代還生有味非甘莫

共三山芝校無香可媚難將九畹蘭爭叨詞林畔種在
經苑中榮翠影臨波恐被芙蓉見鄙貞姿傍砌愁為芍
藥相輕發葉一作地抽英因天授性紛稚圭池上之宅拂

仲蔚門前之徑不省教施異術安得返魂未嘗輒入明
廷何當指佞幾臨寒日幸到青春莎藥未傳於漁父蒲
茸竊詠於詩人霜亦曾霑潘令偏知白薤風常遍起宋
生惟道青蘋栽培只倚於賢隣寒櫨長憂乎雄戲出慙
無用舒還有異當琴操發伯牙山水之情值儒編動鑒

齒陽秋之思敢曰求友寧忘慕義吳娃楫上空羨苔滋
魏主帷中惟通蕙氣或乃蘭焚越微董茂周原幽搜莫
及興詠徒存此則對仲舉蕭疎之室處子山搖落之園
不識深宮豈是曾為帝女非侵遠道誰言能憶王孫徒
愛其歛疎煙披曉露弱可攬結勻能布護蕭蕭而不計
榮枯漠漠而何干好惡金燈照灼尚驚秦帝之焚粉蝶
留連真謂羽陵之蠹爾乃高推籬菊瑞許階螢我則惟
親志士每聚流螢豈便離蒿萊於隙地希杜若於遙汀

倘遇翰林主人之一顧庶長保於青青

秋蟲

敗壁秋立昆蟲夜鳴蠹者用者旁行却行一不知其詭
狀空太息於繁聲俱需品彙共費生成穴陰階而負固
抱枯蘚以圖榮退無力役進不爭名體肖翹而易動音
嗚咽而難平深宮淚迸逆旅魂驚香殘漏永月吳樓明
謝臨川行樂微吟應侵古調劉越石登陴坐嘯更臬餘
清唧嘖懷懷悽悽往愬縷急如斷絃么欲怒或自竒而

不屈或相先而並妬亦有騷客裁錄詞人暫賦已矜牀
下之光輝遽笑艸間之霜露悲夫病枕潛移愁屏屢顧
耿耿宵夢悠悠遠趣朱雲沒後方知直氣無前馮衍歸
來始歎高才不過

麈尾

謝文靜桓靈武王東亭却北府相與叩易論玄驅今駕
古散入神明之蹟中稽道德之祖理窟未窮詞源漸吐
支上人者浮圖其形左擁竹杖右提山銘於焉就坐引

若潛聽俄而齧缺風行逍遙義立不足稱異纔能企及
公等盡矚當仁咸云俯拾道材乃攝艾納而精爽捉犀
柄以禪揖天機發而萬目張大壑流而百川入嗟乎世
路崎嶇藏訛掩瑕陽矜莊而靜嘿暗奔競而喧嘩貞襟
柴棘與旨泥沙雖然代絕清談客置此聊同王謝家

甫里集卷十五